


和16
1.602
9



門八和16
1602
卷9



柳文卷之四十

祭文哭辭

祭楊憑詹事文



年月子壻謹以清酌庶羞之奠昭祭於丈人之靈卿雲輪
困天漢昭回自然物外寧雜塵埃公稟間氣心靈洞開翺
翔自得誰屑羣猜孝友忠信聞於九垓摛華發藻其動如
雷世榮甲科亦矜顯處公之俊德有而不顧御史之選朝
之所注公勤于養投劾引去時任方隅威刑是務公施其
惠亦莫有還京兆之難下多怨怒或由以黜瓦石盈路公
捍其強仁及童孺左遷而出擁道牽慕道峻多謗德優見
憎煩言既詆倚法斯繩南過九疑東逾秣陵顛沛三載天

柳文

卷之四十

書乃徵入傳王國嘉聲聿興簪事東宮致政是膺年唯始
至道則彌勵頡頏今古優游德藝實期濬發再光文陛誰
謂昊天遽茲降厲嗚呼哀哉某以通家承德夙奉良姻莫
成子姓早喪淑人恩禮斯重眷撫惟新綢繆其志實敬實
勤迨今孳然十有八祀家缺主婦身遷萬里謗言未明黜
伏逾紀德輝開絕音塵莫俟歲首發函視遠如邇雖當沉
痼心術猶治撫膺頓首流泣瞪視既歛而還莫傳音旨嚮
風長慟於茲已矣嗚呼哀哉承計之始卜兆既逾載馳斯
文出拜路隅哀從海滢禮致皇都寸誠相續終歲不渝天
道悠遠人世多虞寄心雙表長恨囚拘嗚呼哀哉

祭穆質給事文

昭祭於給事五丈之靈自古直道鮮不顛危禍之重輕則
繫盛衰矯矯明靈克丁聖時形軀後宥三黜無虧賢良發
策始振其儀天子動容敬我直辭載之冊府命以諫司抗
奸替否與正爲期奏書百上知無不爲誰謂劉賈英風莫
追給事黃門奉職樞機封還付外動獲其宜無曠爾位惟
公在斯達道之行實惟交友患難相死其廢日久公實毅
然誓均悔咎挺身立氣不改其守黜刺南荒義言盈口封
章致命志期殞首邈矣高標誰嗣于後王命南下郡符東
剖流滯湮淪殲此遐壽嗚呼哀哉公之伯仲信惟先執感
激之風道同義立中司守直奸權是襲致之徽纆誣以賄
入瑣瑣其徒榜訊愈急詔下三司議于洛邑噫我先君邦

憲是輯平反羣枉大忤三揖危法旋加譖言俄及左宦夔
國義夫掩泣邪臣既黜乃進其級端于度僚直聲允集虔
虔小子夙奉遺則公在郎位再罹擯抑時忝憲司竊分枉
直抗辭犯長有志無力惟韓洎劉同憤霑臆道之不行銜
媿罔極公在左掖議登秋官先定于志將發其難決白無
狀以申禍端秉心撰詞義不可干會逢友累曾莫自安感
於褚中有涕洟瀾嗚呼哀哉壽官久翳狼荒萬里禮不可
違誠不可弭抽哀洩憤舒文致美願遡海風以窮洛涘清
明如在神鑒何已嗚呼格思以慰勤止

祭呂衡州温文

維元和六年歲次辛卯九月癸巳朔某日友人守永州司

幾有始終者銘曰
是惟子厚之室既固既安以利其嗣人

祭柳子厚文

昌黎

維年月日韓愈謹以清酌庶羞之奠祭於亡友柳子厚之
 靈嗟嗟子厚而至然邪自古莫不然我又何嗟人之生世
 如夢一覺其間利害竟亦何校當其夢時有樂有悲及其
 既覺豈足追惟凡物之生不願為材犧罇青黃乃木之災
 子之中棄天脫鬲羈玉佩瓊瑤大放厥辭富貴無能磨滅
 誰紀子之自著表表愈偉不善為斲血指汗顏巧匠旁觀
 縮手袖間子之文章而不用世乃令吾徒掌帝之制子之
 視人自以無前一斤不復羣飛刺天嗟嗟子厚今也則亡
 臨絕之音一何琅琅徧告諸友以寄厥子不鄙謂余亦託
 以死凡今之交觀勢厚薄余豈可保能承子託非我知子

郭文

子實命我猶有鬼神寧敢遺墮念子永歸無復來期設祭
棺前矢心以辭嗚呼哀哉尙饗

馬員外置同正員柳宗元謹遣書吏同曹家人襄兒奉清
酌庶羞之奠敬祭于呂八兄化光之靈嗚呼天乎君子何
厲天實仇之生人何罪天實讎之聰明正直行爲君子天
則必速其死道德仁義志存生人天則必天其身吾固知
蒼蒼之無信莫莫之無神今於化光之歿怨逾深而毒逾
甚故復呼天以云云天乎痛哉堯舜之道至大以簡仲尼
之文至幽以默千載紛爭或失或得倬乎吾兄獨取其直
貫于化始與道咸極推而下之法度不忒旁而肆之中和
允塞道大藝備斯爲全德而官止刺一州年不逾四十佐
王之志歿而不立豈非修正直以召災好仁義以速咎者
耶宗元幼雖好學晚未聞道泊乎獲友君子乃知適於中

庸削去邪雜顯陳直正而爲道不謬兄實使然嗚呼積乎
中不必施於外裕乎古不必諧於今二事相勘從古至少
至於化光最爲大甚理行第一尙非所長文章過人略而
不有風志所蓄巍然可知貪愚皆貴險狠皆老則化光之
天厄反不榮歟所慟者志不得施蚩蚩之氓不被化光之
德庸庸之俗不知化光之心斯言一出內若焚裂海內甚
廣知音幾人自友朋彫喪志業殆絕唯望化光伸其宏略
震耀昌大興行於時使斯人徒知我所立今復往矣吾道
息矣雖其存者志亦死矣臨江大哭萬事已矣窮天之英
貫古之識一朝去此終復何適嗚呼化光今復何爲乎止
乎行乎昧乎明乎豈蕩而爲大空與化無窮乎將結而爲

光耀以助臨照乎豈爲雨爲露以澤下土乎將爲雷爲霆
以泄怨怒乎豈爲鳳爲麟爲景星爲卿雲以寓其神乎將
爲金爲錫爲圭爲璧以栖其魄乎豈復爲賢人以續其志
乎將奮爲神明以遂其義乎不然是昭昭者其得已乎其
不得已乎其無知乎彼且有知其可使吾知之乎幽明茫
然一慟腸絕嗚呼化光庶或聽之

祭李中丞文

維貞元二十年歲次甲申五月某朔二十二日故吏儒林
郎守侍御史王播將仕郎守殿中侍御史穆贄當作奏議
郎行殿中侍御史馮邈承奉郎守監察御史韓泰宣德郎
行監察御史范傳正文林郎守監察御史劉禹錫承務郎

監察御史裏行柳宗元承務郎監察御史裏行李程等謹
以清酌之奠敬祭於故中丞贈刑部侍郎李公之靈惟公
堅貞守道潔廉成德當官秉燹早爾孤直高節外峻純誠
內植臨事不回執心無惑矯矯勁質擢於天枝式是邦族
粲其羽儀發跡內史參其軍事自下劇上直詞屢至于後
受邑歷撫疲人公去逾久人滋咏呻復從京邑辟署司錄
振其綱條端我甸服黠吏屏氣貧官窒慾赫赫有命登于
王庭邦賦以修國用是經實抗其長以奉準程校其簿書
無失竒贏進爲正郎句古侯古
候二切會是專乃刺于商虎節登
山化堵爲沃致夷于艱道途謳歌有詔徵還承我御史執
其憲矩糾逖之志直清是舉慎擇寮吏必薪之楚終始七

載不忘祇勤事無觀瞻道有屈伸皂囊密啓忠懇屢陳合
望逾重名卿是屬拖紳遽聞卷衣已復禮備芳鳳
切贈恩
加命服窳宥有時歲月逾蹙播等猥備官屬况當薦延承
其規模奉以周旋近或逾月遠則累年咸承至公官守獲
全故事盡在遺風藹然俯仰庭除顧慕潺湲致誠一觴拜
訣堂筵嗚呼哀哉

爲韋京兆祭杜河中文

維年月日甲子京兆尹韋夏卿謹以清酌之奠敬祭于故
河中節度贈禮部尚書杜公之靈自古謀帥恒在諸儒晉
登郟穀亦以詩書爰及近代二柄殊途授鉞之臣率由武
夫時惟明靈道冠學徒天子有命摠其戎車何以邦之維

絳及蒲有山有河殿此大都焜耀昌時振宣後學命服之
盛光于列岳謂保豐福永縻主爵壽如何期神不可度嗚
呼哀哉大歷之歲詔徵茂才時忝同道俱起草萊懷策旣
陳綸言煥開考第居甲自天昭回分命邦畿步武獲陪同
志爲友星霜屢迴長我十年禮宜兄事周游歡洽莫不如
志于後多幸謬列周行又同制書並命文昌及余稍遷吏
部爲郎公屬中兵此焉分行再獲聯事東西相望出處同
道樂惟其常後余出刺九載南服公自左輔遂膺推轂我
勤魏闕爰摠九流誰謂河廣願言莫由烹魚之問往復相
酌惠好斯厚惟以綢繆余弟宗卿獲庇仁宇命佐廉間忘
其愚魯假以羽翼俛之騫翥患文峩峩赤紱在股榮映斯

極從容何補承慶惟深報恩無所嗚呼哀哉天子震悼哀
我良臣密印追贈尙書禮殷四方與嗟況此故人循念平
昔徘徊悲辛卜塋斯及禮儀畢陳敬薦行潦洩哀茲辰嗚
呼哀哉

爲韋京兆祭太常崔少卿文

維年月日甲子京兆尹韋夏卿謹以清酌庶羞之奠敬祭
于亡友故太常少卿崔公之靈惟靈幸是良志蹈其吉德
炳蔚文彩周流學殖孔氏之訓專其傳釋黃老之言探乎
幽蹟六書奧祕是究是索叩爾元關保其真宅藝成行備
披雲騁跡康莊未窮濛汜音以已極嗚呼哀哉夙歲同道從
容浴師接袂交襟以邀以嬉策駕嵩少沂舟瀝伊笑咏周

星其樂熙熙丹霄可望青雲可期洛中十友談者榮之惟
鄭洎齊各登鼎司或喪或存山川是違繫我夫子宜相清
時命之不遐孰不悽悲嗚呼哀哉往佐居守及爾同寮笑
遊交歡匪夕則朝入同其室出聯其鑣投文報章既歌且
謠及我爲郎優游吏部公爲御史持憲天路文陛徐趨眷
戀相顧歡愛之分有加于素自我于邁歷刺東吳離憂十
年復會名都余爲侍郎銓揔攸居實得茂彥奉其規模聯
事合情又倍其初我尹京兆公亞奉常步武相望佩玉以
鏘謂保愉樂長此翱翔抱疾幾何忽焉其亡嗚呼痛哉原
念往昔愛均骨肉我有書笥盈君尺牘寤言在耳今古何
速失涕興哀匍匐往哭撫筵一呼心焉摧剝昔木切日月逾

邁佳城遽卜素車千里逶迤山谷晦爾精靈藏之斧屋嗚
呼哀哉丹旌卽路祖奠在廷去此昭昭就爾冥冥敬陳洞
酌以告明靈臨觴永慟庶寫哀誠嗚呼哀哉伏惟尙饗

爲李京兆祭楊凝郎中文

維貞元十九年歲次癸未四月辛未朔某日檢校工部尙
書京兆尹司農卿李實謹以清酌庶羞之奠敬祭于故兵
部郎中楊公之靈惟靈清標霜潔馨德蘭薰冲和茂著孝
友彰聞濬發洪緒激揚清芬思侔德祖學紹子雲瑩彼靈
府彬其英文吐論冠時舒華軼羣百氏之奧一言可分旁
貫釋老豈伊典墳謂躡公相贊揚聖君高山安仰逝水沄
沄嗚呼哀哉惟是伯仲並爲士則連擢首科迭居顯職公

之懿美發自朋僚播於四方令問克昭炯然獨識卓爾孤
標翼翼其容羽儀清朝載筆東掖動無不紀起草南宮時
論增美大梁有艱天子是使密勿之謀唯道是履復歸郎
署職茲中兵簡稽無撓以考其成英風未攄沉痾遽嬰孰
云積善降以促齡昔歲江表獲同宴語謬為好仁不我遐
阻公之元兄復惠德音優游多暇眷眄逾深清言盈耳尺
素相尋冀茲競爽焜耀儒林及此彫落祇摧我心嗚呼哀
哉遣車就引哀挽先路迅風淒悲頽景幽暮傾都殄瘁揮
涕相顧矧茲故人誰任痛慕潢汙一觴詎寫平素尚饗

為安南楊侍御祭張都護文

維年月日故吏某職官某敬祭于故都護御史中丞張公

之靈交州之大南極天際禹績無施秦強莫制或賓或叛
越自漢世聖唐宣風初鮮寧歲稍臣卉服漸化椎髻卒為
華人流我愷悌士燮之理惟公克繼勤勞遠圖敷贊嘉惠
銅柱南表前功載脩空孔道孔出式過蠻陬梯航連連旌
旆悠悠輻奏都會皇威以流方荷天寵宜公宜俟聲馳帝
鄉魄降炎州嗚呼哀哉公昔試吏時推清能公昔乘輅人
知準繩鯨鯨以安征賦用登柱史稍遷郎曹繼昇程功佐
理海裔斯澄乃紀南方專任是憑禮分五玉恩錫百朋開
府碎掾羣英攸屬顧茲陋微敢廁甄音堅錄既受筐篚載加
命服賜有楚冠用慙豸角星言赴命注望幃幄視險如夷
瞻程非邈伯氏左宦爰滯中途流連隱憂言念涕濡子姓

莫在使命頓殊兢魂弔影敢廢斯須情留江徼夢結天隅
恩切有裕義乖從役顧慕長慟展轉增惕音力猶在中
腸屢激方俟銷憂永期投跡謙德不福法星降災延懸遽
徹音計爰來撫躬益恨循顧增哀瞻容莫及報德何階音輶
車音北轅申奠克諧望拜徒至音塵永乖南州斗酒度寫
幽懷

祭萬年裴令文

惟靈孝友之性定惟天與飾以儒書洽其譽處枵然其量
廓爾其宇人以義來我以身許褰裳赴急不避寒暑交半
域中多容鮮拒賢於博奕媚茲讜語或泛或沉兩得其所
考禮成文墜章克舉展樂承職音官式序既聯奏復亦圖

筍簾播在奉常永傳儀矩脫略細謹傲忽煩言坦然自居
無顧仇怨卒成官謗莫究禍源坐黜中徙再期騰騫孰云
蓄憤遽此歸魂嗚呼哀哉世稱姻黨鮮克終吉唯我與君
久而逾密追惟淑德嬪于君室上順尊卑下歡儔匹致其
孝敬式是仁恤爰及童孩處心勿失君之仲季茂於文術
游藝相從操觚散映顧余蹇劣厠迹奔逸二紀于今交情
若一屢聞彫缺互見遷黜契闊伶俜分形間質方期末路
稍追曩日時不我謀於焉斯畢營營尉獨守邦秩想其
水哀淮海蕭瑟嗚呼哀哉聞疾馳簡其命未返翩其計書
來自番禺塊守窮荒山夔與居有眉不申有志不舒況逢
零悴當此囚拘拊膺長慟長慟何如菲禮無取沉哀有餘

鳴呼哀哉

祭呂敬叔文

維年月日朔友人從內兄守永州司馬員外置同正員柳宗元謹以酒肉之奠致祭于亡友呂敬叔之魂嗚呼鞠躬歷聘或以不答屠漁乖離夫何克合大或不容小或見遺往來逢迎今古參差惟子之中忠勇克之以誠與物退受其疵智謀宏長辨論恢奇巖峩博大與世異姿何付之器而躓于時常曰余武王功是期誓者其力以達皇威邊鄙不靖俛供輿師諸侯順道戎貊咸宜今其沒矣哀志之違知之無補世又罕知嗚呼哀哉昔與子游尚疑其志及觀其長誠任其事日異其能歲增其智進如川行浩浩而遂

天乎有亡中道是棄余慎取友惟心之虔周遊人間餘二十年擯辱非耻升揚非賢一貫于道無四五焉子之我知不以事遷言而見信貌阻心傳我黜終世子天子前徒稱子志誰信我言與子俱已孰云後先惟子之兄志同義比官刺一州四十而死于仕方初百年有幾如何默默去我適已有穉之妻有弱之子海壖東周號哭萬里塋紉之行獲出于此爰陳酒肉式嘉且旨讀茲哀辭以奠而誄嗚呼敬叔吾道已矣尙饗

祭崔君敏文

夫產崑崙者雖爲玉植鄧林者難爲木公以令望顯于華族藝遂六書學該七錄耽此黃老恬于寵辱入補黑衣出

參甸服純綱淮海政令惟肅宰制岳濱周于仁育儲闡典
議直清攸屬久次推能二州繼牧至于是邦率由舊俗和
易勿亟優游自足既有少吏勤于庶獄妖誣殄除淫祠前
覆出令三歲人無怨讟進律未行歸神何速某咸以罪戾
謫茲炎方公垂惠和枯槁以光鳴鑾適野泛鷁松湘廣筵
命樂華燭飛觴高歌屢舞終以無荒紛慮斯併憂懷暫忘
良時不再斯樂難常今其柰何顧慕感傷嗚呼室有迭去
川無息流追懷曩辰恍若夢遊奠徹中寢魂遷乘舟邦人
永思匍匐隱憂况我懷德心焉若抽潔誠可鑒蘋藻非羞

祭段元古文

世病乎直人悅其和行而不容雖聖柰何提其信義誰與

而波磔硜以終堅不可磨游得其人友擇其益始如河進
終會于九精誠介然將貫金石追恩懷舊興詞憤激君昔
來辱備聞嘉言宵會北堂晝宴南軒去適于越不日其旋
載除我居望爾北轅今者之來丹旒有翩闕茲英志限此
中年嗚呼哀哉居實斯貧有子而幼孰云履信惟天所佑
道途之資敢廢于舊志君之行銘石斯授有潔其觴有楚
其豆庶鑒于誠臨茲饗侑

祭李中明文

致祭于亡友中明之靈夫子之道邈以恒兮夫子之志勵
以兢兮求中慊末若履水兮敦仁以孝實蒸蒸兮唯毀死
虧禮其他莫懲分秉端守一信厥明兮月踰歲長行若登

兮外温其顏內類繩直兮謾言來加不遽陵兮舉世羣非
自視安兮庶優游于道大賚是承兮掩寃舒抑與類升兮
胡茫茫其不信卒以禍仍兮豈韜忠哀信鬼所憎兮將教
言吾欺終不可徵兮吾方期于暮冀有興兮今而棄余
志若崩兮若將援而上喪厥眩兮怛其殞心交背膺兮水
之綿綿山萬層兮又淫以雨雪紆委綉切疏切會切登兮鴟
與鴟鴟夜啼羣瞑凝兮魂鬼以行中道殘切并殘切興兮
魑魅爲呵曷可憑兮聊致吾慎斯言孰稱兮

哭張後餘辭 并序

後餘常山張氏孝其家忠其友爲經術甚邃而文少余七
年頗弟畜之與之居終日冲然忘其有人與之言鏗爾而

厲辯而歸乎中凡人有道而不顯於世則曰非其世也道
而得乎世然猶不顯則曰命命之微不可知知而索乎外
者曰性與貌後餘之性可謂良矣其貌可謂肅矣博實弘
裕宜爲大官耆老求其所以天賤無可得焉旣得進士明
年疽發髀卒後餘之死人咸痛之曰天之佑善人而殺是
子何也激者曰天之殺恒在善人而佑不肖莊周之說以
爲人之君子天之小人張君豈天所謂小人者耶是二者
又非論之適也吾謂善與惡天與壽貴與賤異道而出者
也無取喜怒於其中道之出者多其合焉者固少是以君
子之難貴且壽也後餘母老而喪良子東西者助之哭焉
况其知者耶然後餘不與諂旨者同貴不與悖亂者同壽

歸潔乎身聞道而死雖勿哭焉可也嗚呼更使既聞道而
且貴且壽則其顯庸也遠矣又烏能勿痛乎遂哭之以辭
嗟嗟張君善不必壽惟道之間一日爲老人皆反是百稔
猶幼子之優游是亦黃耆嗟嗟張君寵不必貴尊嚴爲仁
早服高位淫諛肆慾銀艾淪棄子之崇高無媿三事吾見
皤皤而童赫赫而辱進襦袴於几杖負泥塗於冕服已雖
有餘人視不足子之跡不混乎其間者幸也宜賀而弔宜
歌而哭吾其過乎與其寵而加貴善而加壽道施于人慶
及于母從容邦家樂我朋友豈不光裕顯大歟而不克也
則弔而哭者其無過乎嗚呼

楊氏子承之哀辭

并序

楊氏子承之旣冠有成人之道其明年四月不幸而天其
外姻解人柳宗元爲之慟且出涕噫是子也氣淳以愿志
專以勤確然而直方吾未知其止也作辭賦書論其言甚
偉余方愛之謂可以爲器者故不知慟且出涕況其親戚
者乎凡天之生物也不類精靈紛厖賢愚混同或遠而合
或親而殊然則雖人親戚亦將有不克知其美者若楊氏
子者其親戚皆賢咸得知之者也使知之徒以增其悲愁
怨號之聲無爲也用是爲之辭以相其哀焉
葆醇熙兮承貞則懿文章兮好循直誠耿介兮又綽寬學
之勤兮行彌專質圭璋兮文虎豹超凌厲兮馳聖道力未
具兮志求遠道之遠兮足先窮有母嗷嗷兮有弟哀號世

柳文卷之四十一
父孔悲兮湘水滔滔去昭曠兮沉幽寔魂冥冥兮竟難託
死者靜兮生者愁予之淑兮徒增憂志甚良兮命甚蹙子
之生兮又何欲悲吾耳兮動吾神誰使子兮淑且仁嗚呼
已乎不可追終怨苦兮徒何爲

柳文卷之四十終

柳文卷之四十一

祭文

舜廟祈晴文

年月日某官某敢用牲牢之奠昭祭於虞帝之神帝入大
麓雷雨不迷帝在璿璣七政以齊九澤既陂錫禹元圭至
德神化後王與稽勤事南巡祀典以躋此焉告終宜福遺
黎廟貌如在精誠不昧今陽德倦候有淠淠降是水潦
混爲塗泥岸有善崩流或斷隄泛濫疇壠坡阨圃畦恒雨
獲戾循咎增懷忍茲彙生均彼蓬藜敢望誅黑螟扶音陰
覘式乾后土以廓天倪粢盛不告餘糧可棲或鰥或溲爲
酒爲醢鎗鎗鏞鏞坎坎鼓聲百代祀德眊心不攜豈獨蘋

藻徵諸澗溪帝其聽之無作神羞

雷塘禱雨文

惟神之居爲坎爲雷專此二象宅于巖隈風馬雲車肅焉徘徊能澤地產以祛人災欽茲有靈爰以廟饗神惟智知我以誠往苟失其應人將安仰歲既旱暵害茲生長敢用昭告期于盼蠶某自朝受命臨茲裔壤莅政方初庶無淫枉潔廉自持忠信是仗苟有獲戾神其可罔擢擢嘉生惟天之養豈使粲盛夷於草莽騰波通氣出地奮響欽若成功惟神是獎

祭蠹文

維年月日某官以牲牢之奠祭于蠹神惟昔豐有大特化

爲巨梓秦人憑神乃建麗頭是爲兵主用以行師漢宗蚩尤亦作靈旗既類既禡指于有罪北而詔盟抗侯以射雖有古典今棄不用惟茲之制神實守祀有蠹黃孽保固虐人俛茲太平猶用戎律天子有命施威于下惟守臣某董衆撫師秉羽先刃出用茲日敢修外事爰薦求牛庶無留行以珍有罪國有祀典屬于神明傷夷大命無敢私顧惟克勝敵以全天兵去茲蠹螿達我涵育收厥隸圉役于校人海隅黎獻永底于理無或頓刃以爲神耻急急如律令

禡牙文

維年月日某官某以清酌少牢之奠禡于軍牙之神秦定百越漢開九郡自茲編列同于諸華天寶兆亂北方薦役

惟是南方久稽討伐藩蠻怙險乳字生聚悖傲威命虐夷
 齊人黃姓陋夔實恣暴盜僮壯殺老掠敦使臣梟視洞窟
 以逃大戮今皇帝受天景命敷于有仁凡百凶毒罔不震
 戴齊魯誼殄趙魏顯化溥天之下咸順帝理唯是瑣眇尙
 恣昏頑致大震怒命底于罰官臣某欽率邦典統戎于征
 惟爾有神懋揚迺職敢告無縱詭類無劉我徒鏃刃鋒錡
 畢集于兇躬鎧甲干盾咸完于義軀焚燭蕩沃往如行虛
 俾人懷于安以靖離之隅在是舉也往欽哉無作神羞急
 急如律令

祭井文

致祭于水土之神惟神蓄是元德演爲人用不窮之養功

齊乳湏二切惟古有制八家所共是邦闕焉官守斯恐蓋
 利茲久陶靈則深爰告有神惟惻我心卜茲利兆于彼城
 陰神斯有仁是鑒是臨惟昔善崩今則堅好惟昔遞石今
 則順道終古所無聿從心禱非神是與人力焉保發自元
 冥成于富媪烏皓切克長厥靈不愛其寶敬修報禮式薦蘋
 藻

崇門文

崇于城門之神惟神配陰含德司其翕關能收水沴以佑
 成績淫雨斯降害于麤麥野夫興憂官守增惕諸陰既閉
 休徵未獲敬用瓢齊以展周索納其雲氣復我川澤惟神
 是依式佇來格

祭六伯母文

維貞元十七年歲次辛巳二月癸巳朔二十五日丁巳姪男華州華陰縣主簿纁謹以清酌庶羞之奠敬祭于六伯母之靈伏惟天錫考壽神資淑德高明而和柔惠且直敬長慈幼宗姻仰則不偕貴位孰不悽惻嗚呼哀哉移天夙喪丁此閔凶主器繼天莫承于宗懿彼賢女孝誠自中溫溫良人竟揚德風承順必敬涓其則豐致養有榮其道克終天禍弊族遠承哀計纏牽官事奔哭無路亦既請告聿來京師以號以呼祇拜堂帷子姪彫落宗門日哀託于外姻陳此靈儀幼女號戀誓言固之仁賢見容曲遂其私內顧孱眇祇益摧悲誠愧于人豈曰得宜今歲調選獲參士

林主其簿書于華之陰受祿雖微莫遂曩心夙駕東征祖輒將臨朔望是違哀懷豈任嗚呼哀哉

祭獨孤氏丈母文

維年月日某以清酌之奠祭于獨孤氏丈母之靈惟靈育德涵仁克生賢子生而不淑未壯而死名播九圍望高羣士雖微祿位人羨其美在抱無孫承家乏祀孝女良壻適奠燕喜某曩與子重道契義均知心爲貴實在斯人奉養宜繼將致其勤竟罹禍謫逾紀漂淪夙志斯阻微衷莫申冀榮末路私願獲陳遽此承訃天乎不仁嗚呼哀哉昔也高堂世悲其獨今茲元室孝道當復神感昭融不疾而速靈識逾濬承歡載穆式致其安寧寘其毒願言有知以慰

幽獨

祭從兄文

嗚呼我姓嬋媯由古而蕃鍾鼎世紹圭茅並分至于有國
 爵列加尊聯事尚書十有八人中遭諸武抑遏讎冤陪弊
 不振數逾百年近者紛紛稍出能賢族屬_{與旌}同曜期復
 于前君修其辭楚越猶傳從事諸侯假乎郡藩人謠吏畏
 威惠咸宣神乎我歎命返不延興起之望是越是愆歲首
 去我將濱海堧留遊歡娛涉月彌旬夜蕤膏炬晝凌風煙
 理策嘔_嶮嶮_嶮縻舟潺湲將辭又醉就往而旋今者之來徒
 御淒然垂帷襜褕飛旒翻翻升拜無形合哭誰聞逝歸從
 耐于鄧之原銘墓有辭發我狂言祇陳其悲匪暇于文觴

有旨酒豆有狔肩伊莫之菲而誠孔繁靈耶罔耶有涕漣漣

祭弟宗直文

維年月日八哥以清酌之奠祭于亡弟十郎之靈吾門彫
 喪歲月已久但見禍譴未聞昌延使爾有志不得存立延
 陵已上四房子姓各為單子慥慥早天汝又繼終兩房祭
 祀今已無主吾又未有男子爾曹則雖有如無一門嗣續
 不絕如綫仁義正直天竟不知理極道乖無所告訴汝生
 有志氣喜善嫉邪勤學成癖攻文致病年纔三十不祿命
 盡蒼天蒼天豈有真宰如汝德業尚早合出身由吾被謗
 年深使汝負才自棄志願不就罪非他人死喪之中益復

為媿汝墨法絕代識者尚稀及所著文不合沉沒吾皆收錄以授知音文類之功更亦廣布使傳於世人以慰汝靈知在永州私有孕婦吾專優恤以俟其期男為小宗女亦當愛延之長大必使有歸撫育教視使如已子吾身未死如汝存焉炎荒萬里毒瘴充塞汝已久病來此伴吾到未數日自云小差雷塘靈泉言笑如故一寐不覺便為古人茫茫上天豈知此痛郡城之隅佛寺之北飾以殯紉寄於高原死生同歸誓不相棄庶幾有靈知我哀懇

祭姊夫崔使君簡文

永州刺史博陵崔公之靈天之生人或哲或愚君取其英爰曜于初譽動京邑施于方隅密勿書奏元侯是俞蜀寇

內侮禍聯羌 髣君出顯畫披攘其徒南平劍門西獲戎俘
超受刑曹留 摠南都移刺連部下民其蘇道不可常病惑
中途悍石是 餌元精以渝雷謗爰興按驗增誣始雖進律
終以論辜溟海浩浩而君是踰嵩山茫茫而君是居厥弟
抗憤叫于康衢天子憫焉訛以文書御史既斥連帥是除
期復中壤遽 淪別區喪還大浸又溺二孤痛毒薦仍振古
所無何謫干 天降此翦屠極不及歸寓瘞荒墟將葺將就
誓還里閭嗚 呼哀哉君之子姓惟自我出母儀先虧父訓
又失莞與莞同 莞相祖撫悼增恤咸冀其才以大家室惟昔
與君年殊志 匹畫咨夕計期正文律實契師友豈伊親昵
誰謂斯人變 易成疾良志莫踐乖離永訣嗚呼哀哉永山

初文

卷之四十一

之西湘水之東殞紉以出斧屋爰封神非久留息駕于中
書石為誌世德斯崇手斟音以酌涕出焉窮

又祭崔簡神柩歸上都文

嘻乎崔公之柩嘻乎崔公楚之南其土不可以室或坊而
顏或確音而萃陰流泄漏濺沒淪溢碩鼠大蟻傍穿側出
虧踈脆薄久乃自窒不如君之鄉式堅且密嘻乎崔公楚
之南其鬼不可與友躁戾起音險睽切音欺苟腥賤暗
智古輕蹠妄走不思已類好是羣醜不加君之鄉式和
且偶日月甚良子姓甚勤具是舟輦寧君之神去爾夷方
返爾故隣奕奕其歸宜樂且欣君死而還我生而留遠矣
殊世曷從之遊酌觴于座與涕俱流

祭崔氏外甥文

年月日八舅十舅敬祭外甥韋六小卿之魂嗚呼生有孝
姿淑且茂兮謂吉其終道克就兮胡典而喪離厥咎兮蹈
道而違死誰祐兮豈汝之昧不能究兮將奪之鑿使昏霧
與茂兮反復攬予哀何救兮骨肉無從魂焉覲兮庶幾來
同歸餒以侑兮酒實于觴肉盈豆兮豈伊異人余所授兮來
耶否耶歆氣臭兮

祭崔氏外甥女文

叔舅宗元祭于二十六娘子之靈凡我諸甥惟爾為首甥
於我氏恩顧彌厚惠明貞淑仁愛孝友女德之全素風斯
守播于族霸芬馨自久恭惟伯姊道茂行高上承下訓克

外文

卷之四十一

敬能勞夙有儀則刑于汝曹雖云性善抑自良陶汝之先
君以文誨我周流辯論有疑必果恒革其非以成其可孰
云具美易以生禍汝及諸弟流離莫從幸獲我依以慰困
窮歸之合族有蔚其容方冀榮壽遽罹災凶嗚呼哀哉汝
自艱酷二弟繼終海門之哀今古罕同駢也英文敷暢浩
通賞期振耀宏我儒風又茲天閔神理何蒙盛德餘慶宜
福其豐胡然降戾惟禍之逢嗚呼哀哉前歲詔追廷授遠
牧武陵便道往來信宿幸茲再見緩我心曲猶且輕別瞻
程務速孰知自此遂間幽躡臨視無路逆風慟哭怛焉自
中如刃之觸邛阜有位青烏載卜道途尚難歲月逾蹙方
俟歸紉再期莫沃寄哀斯文心焉往復嗚呼哀哉

祭外甥崔駢文

祭于卿郎之魂嗚呼天恡靈竒取不可貪既睿又力神誰
以堪汝不是思而縱其志盜其管籥褻其篋匱抽深抉密
擔重揭貴守吏失職訴帝行事果殄爾躬以寧其位豈不
信耶不然無鬼誅之行而中道天死有拔類之才而二見
廢委仁充其軀毒中骨髓其何以爲累也兄弟逾十我出
惟八既孤數祀中分存沒我爲汝舅汝爲我甥求仁具得
爲藝繼成天下莫倫古罕並行人而思之幾不欲生嗚呼
哀哉既致其愛祇極其哀秦越萬里心魂徘徊念與汝別
桓公之臺顧余猶壯視爾如孩戲抽佛筴前次淹隈笑頷
節路鳴鞘不迴豈云古今自此而乖孰爲鬼神忍是陰誅

得疾之日兄弟莫在謁醫問巫卒以幽昧葬之東野誰賙
 誰會既虞以莫誰主誰酌孤魂冥冥何託何逝嗚呼哀哉
 刑曹繼之以病告余銜憂驅使裹藥操書雖驚狀劇猶恃
 神扶豈知所賴終以誤吾我自得罪無望還都想爾新墓
 少陵之隅何時歸附圮土下呼漬淚徹壙以沾以塗此心
 未慊祗益摧紆累見于夢寧知有無寄之哀辭惟俎及壺
 嗚呼哀哉

柳文卷之四十一終

柳文卷之四十二

詩

同劉二十八院長述舊言懷感時書事奉寄澧州張
 員外使君五十二韻之作因其韻增至八十通贈
 二君子

弱歲游元圃先容幸棄瑕名勞長者記文許後生誇鷄翼
 嘗披隼蓬心賴倚麻繼酬天祿署俱尉甸侯家憲府初收
 跡丹墀共拜嘉分行參瑞獸傳點亂宮鴉執簡寧循枉持
 書每去邪鸞凰標魏闕熊武負崇牙辨色宜相顧傾心自
 不諱金爐仄流月紫殿啓晨赧音退未竟遷喬樂俄成失路
 嗟還如渡遼水更似謫長沙別怨秦城暮途窮越嶺斜訟

庭閑枳棘候吏逐麋麕三載皇恩暢千年聖曆遐朝宗延
架海師役罷梁滄京邑搜貞幹南宮步渥洼世推材是梓
人仰驥中驎歛刺苗人地仍逾贛石崖禮容乘璵璠戎備
響鉦鍛音鴉寵卽郎官舊威從太守加建旗飈鷲鳥負弩
繞文蛇冊府榮八命中闈盛六珈肯隨胡質矯方惡馬融
奢褒德符新換懷仁道迸遮俗嫌龍節晚朝訝介圭賒禹
貢輸苞匭周官賦秉秬音查雄風吞七澤異產控三巴卽事
觀農稼因時展物華秋原被蘭葉春渚漲桃花合肅軍無
擾程懸市禁蕝不應虞竭澤寧復歎棲苴踈音蹠騶先
駕籠銅鼓報衙染毫東國素濡印錦溪砂貨積舟難泊人
歸山倍畚音賒吳歛工折柳楚舞舊傳芭隱几松爲曲傾鐫

石作汗寒初榮橘柚夏首薦枇杷祀變荆巫禱風移魯婦
壑莊華切已聞施愷悌還覩正竒衰慕友慚連璧言姻喜附
葭沉埋全死地流落半生涯入郡腰常折逢人手盡義敢
辭親耻汗惟恐長疵痕善幻迷冰火齊諧笑柏塗音東門
牛屢飯中散蝨空爬逸戲看猴鬪殊音辨馬槌渚行狐作
夔林宿鳥爲嗟音差同病憂能老新聲麗似姘豈知千仞墜
祇爲一毫差守道其長絕明心欲自剗貯愁聽夜雨隔淚
數殘葩梟族音常聒豺羣喙競呀岸蘆翻毒唇磈竹鬪狂
靡音麻野鷺行看弋江魚或共拟瘴氛恒積潤訛火亟生燬
耳靜煩喧蟻魂驚怯怒蛙風枝散陳葉霜蔓縈寒瓜霧密
前山桂冰枯曲沼遺思鄉比莊舄遞世遇眭音雖夸漁舍茨

荒草林橋卧古槎御寒衣用蜀挹水勺仍柳窗蠹惟潛蝎
囊涎競綴蝸引泉開故寶護藥插新筓樹怪花因榭蟲憐
目待蝦驟歌喉易嘔介所嫁於饒醉鼻成齧查音曳垂牽羸馬
垂簑牧艾猥加音已看能切類鼈猶訝雉為鶴誰采中原
菽待中下澤車俚兒供苦筍儉切七衡父饋酸楮查音勸策扶
危杖邀持當酒茶道流微短或作短音樹褐禪客會袈裟香飯
春菰米珍蔬折五茄方期飲甘露更欲吸流霞屋鼠從穿
元林狙任攫拏春衫裁白紵朝帽掛烏紗屢歎恢恢網頻
搖蕭蕭且衰榮困萸萸盈缺幾蝦蟇路識溝邊柳城閭壠
上笳共思捐佩處千騎擁青緇瓜音

宏農公以碩德偉材屈於誣枉左官三歲復為大僚

天監昭明人心感悅宗元竄伏湘浦拜賀未由謹
獻詩五十韻以畢微志

知命儒為貴時中聖所臧處心齊寵辱遇事任行藏關識
新安地封傳臨晉鄉挺生推豹蔚遐步仰龍驤幹有干尋
竦精聞百鍊鋼茂功期舜禹高韻狀羲黃足逸詩書圍鋒
搖翰墨場雅歌張仲德頌祝魯侯昌憲府初騰價神州轉
耀鉉右言盈簡冊左轄備條綱響切晨趨珮煌濃近侍香
司儀六禮洽論將七兵揚合樂來儀鳳尊祠重餼羊卿材
優柱石公器擅巖廊峻節臨衡嶠和風滿豫章人歸父母
育郡得股肱良細故誰留念煩言肯過防璧非真盜客金
有誤持郎龜虎休前寄貂蟬冠舊行訓刑方命呂理劇復

推張直用明銷惡還將道勝剛敬逾齊國社恩比召南棠
希怨猶逢怒多容競忤強火炎侵琬琰鷹擊謬鸞凰刻木
終難對焚芝未改芳遠遷逾桂嶺中徙滯餘杭顧土雖懷
趙知天詎畏匡論嫌齊物誕騷愛遠遊傷麗澤周羣品重
明照萬方斗間收紫氣臺上挂清光福為深仁集妖從盛
德禳秦民啼吠畝周士舞康莊采綬還垂艾華簪更截肪
高居遷鼎邑遙傳好書王碧樹環金谷丹霞映上陽留歡
唱容與頤音要醉對清涼故友仍同里常僚每合堂淵龍過
許邵冰鯉弔王祥玉漏天門靜銅駝御路荒澗瀦秋激灑
嵩少暮微茫遵渚徒云樂冲天自不遑降神終入輔種德
會明敷獨棄僖人國難窺夫子牆通家殊孔李舊好即潘

楊世議排張摯時情棄仲翔不言縲紲枉徒恨縷徽長賈
誼愁單闕鄒書怯大梁炯心郝自是昭世嬾佯狂鳴玉機
全息懷沙事不忘戀恩何敢死垂淚對清湘

酬韶州裴曹長史君寄道州呂八大使因以見示二

十韻一首

韶州因以詩見及往復奇麗邈不可慕用韻尤為高絕余
因拾其餘韻酬焉凡為韶州所用者置不取其聲律言數
如之

金馬嘗齊入銅魚亦共頌疑山看積翠瀆水想澄灣標榜
同驚俗清明兩照姦乘輅參孔僅按節服侯獮賈傳辭寧
切虞童髮未鬣班音秉心方的騰口任嘖音嘖聖理高懸

象爰書降罰戶開切德風流海外和氣滿人寰禦魅恩猶
 貨思賢淚自潛在亡均寂寞零落間惇鰥夙志隨憂盡殘
 肌觸瘴瘴五選切月光搖淺瀨風韻碎枯管海俗衣猶卉山
 夷髻不髮泥沙潛虺蝮榛莽鬪豺獍音蠻循省誠知懼安排
 祗自憫音暗食貧甘莽鹵被褐謝爛熳遠物裁青蘋時珍饌
 白鵬長捐楚客珮未賜大天環異政徒云仰高蹤不可攀
 空勞慰顛顛妍唱劇妖嫵

酬婁秀才將之淮南見贈之作

遠棄其幽獨誰言值故人好音憐鍛羽濡沫慰窮鱗困志
 情惟舊相知樂更新浪遊輕費日醉舞詎傷春風月歡寧
 間星霜分益親已將名是患還用我為鄰機事齊飄瓦嫌

猜比拾塵高冠余肯賦長鋏子忘貧晚驚移律暎攜忽
 此辰開顏時不再絆足去何因海上銷魂別天邊弔影身
 祗應西澗水寂寞但垂綸

酬婁秀才寓居開元寺早秋月夜病中見寄

客有故園思瀟湘生夜愁病依居士室夢繞羽人邱味道
 憐知止遺名得自求壁空殘月曙門掩候蟲秋謬委雙金
 重難徵雜珮酬碧霄無枉路徒此助離憂

初秋夜坐贈吳武陵

稍稍雨侵竹翻翻鵲驚叢美人隔湘浦一夕生秋風積霧
 香難極滄波浩無窮相思豈云遠即席莫與同若人抱奇
 音朱絃絙音枯桐清商激西顛泛灑凌長空自得本無作

天成諒非功希聲闕大樸聾俗何由聰

晨詣超師院讀禪經

汲井漱寒齒清心拂塵服間持貝葉書步出東齋讀真源
了無取妄跡世所逐遺言冀可冥繕性何由熟道人庭宇
靜苔色連深竹日出霧露餘青松如膏沐澹然離言說悟
悅心自足

贈江華長老

老僧道機熟默語心皆寂去歲別春陵泐流此投跡室空
無侍者巾屨唯挂壁一飯不願餘跣趺便終夕風窻疎竹
響露井寒松滴偶地即安居滿庭芳草積

巽上人以竹間自採新茶見贈酬之以詩

芳叢翳湘竹零露凝清華復此雪山客晨朝掇靈芽蒸燖
俯石瀨咫尺凌丹崖圓方麗奇色圭璧無纖瑕呼兒爨金
鼎餘馥延幽遐滌慮發真照還源蕩昏邪猶同甘露飯佛
事薰毗耶咄此蓬瀛侶無乃貴流霞

零陵贈李卿元侍御簡吳武陵

理世固輕士棄捐湘之湄陽光競四溟敲石安所施鍛羽
集枯幹低昂互鳴悲朔雲吐風寒寂歷窮秋時君子尚容
與小人守競危慘悽日相視離憂坐自滋樽酒聊可酌放
歌諒徒爲惜無協律者窈眇絃吾詩

界圍巖水簾

界圍匯湘曲青壁環澄流懸泉粲成簾羅注無時休韻磬

叩凝碧鏘鏘徹巖幽丹霞冠其顛想像凌虛游靈境不可
狀鬼工諒難求忽如朝玉皇天冕垂前旒楚臣昔南逐有
意仍丹邱今我始北旋新詔釋縲囚采真誠眷戀許國無
淹留再來寄幽夢遺貯催行舟

古東門行

漢家三十六將軍東方雷動橫陣雲雞鳴函谷客如霧貌
同心異不可數赤丸夜語飛電光徼巡司隸眠如羊當街
一叱百吏走馮敬胷中函匕首兇徒側耳潛愜心悍臣破
膽皆杜口魏王臥內藏兵符子胥掩袂真無辜羗胡轂下
一朝起敵國舟中非所擬安陵誰辨削礪功韓國詎明深
并里絕臙斷骨那下補萬金寵贈不如土

寄韋珩

初拜柳州出東郊道旁相送皆賢豪迴眸炫晃別羣玉獨
赴異域穿蓬蒿炎煌六月咽口鼻曾鳴肩舉不可逃桂州
西南又千里灘水鬪石麻蘭高陰森野葛交蔽日懸蛇結
虺如蒲萄到官數宿賊滿野縛壯殺老啼且號饑行夜坐
設方略籠銅枹音孚鼓手所操奇瘡釘骨狀如箭鬼手脫命
爭纖毫今年嗟毒得霍疾支心攪腹戟與刀爾來氣少筋
骨露蒼白滯汨盈顛毛君今矻矻又竄逐辭賦已復窮詩
騷神兵廟略頻破虜四溟不日清風濤聖恩儻忽念行葦
十年踐踏久已勞幸因解網入鳥獸畢命江海終遊遨願
言未果身益老起望東北心滔滔

奉和楊尚書郴州追和故李中書夏日登北樓十韻

之作依本詩韻次用

郡樓有遺唱新和敵南金境以道情得人期幽夢尋層軒
隔炎暑迥野恣窺臨鳳去徽音續芝焚芳意深游鱗出陷
浦唳鶴遠僊岑風起三湘浪雲生萬里陰宏規齊德宇麗
藻競詞林靜契分憂術閑同遲音客心驂騮當遠步鳧鳩
莫相侵今日登高處還聞梁甫吟

楊尚書寄柳筆知是小生本樣合更商摧使盡其功

輒獻長句

截玉銛錐作妙形貯雲含霧到南滇尚書舊用裁天詔內
史新將寫道經曲藝豈能裨損益微辭祗欲播芳馨桂陽

卿月光輝徧毫末應傳顧兔靈

南省轉牒欲具注國圖合盡通風俗故事

聖代提封盡海壖

而緣切

狼荒猶得紀山川華夷圖上應初

錄風土記中殊未傳椎髻老人難借問黃茆深峒敢留連

南宮有意求遺俗試檢周書王會篇

與浩初上人同看山寄京華親故

海畔尖山似劍鋸秋來處處割愁腸若為化得身千億散

上峰頭望故鄉

再至界圍巖水簾遂宿巖下

發春念長違中夏欣再覩是時植物秀杳若臨元圃敲陽
訝垂冰白日驚雷雨笙簧潭際起鸛鶴雲間舞古苔凝青

枝陰草濕翠羽蔽空素彩列激浪寒光聚的皜沉珠淵鏘
鳴捐珮浦幽巖畫屏倚新月玉鈎吐夜涼星滿川忽疑眠
洞府

詔追赴都廻寄零陵親故

每憶纖鱗遊尺澤翻愁弱羽上丹霄
听傍古埃應無數次第行看別路遙

過衡山見新花開却寄弟

故國名園久別離今朝楚樹發南枝
晴天歸路好相逐正是峰前回鴈時

汨羅遇風

南來不作楚臣悲重入脩門自有期
爲報春風汨羅道莫

將波浪枉明時

郎州竇常員外寄劉二十八詩見促行騎走筆酬贈
投荒垂一紀新詔下荆扉疑比莊周夢情如蘇武歸賜環
留逸響五馬助征騑不羨衡陽鴈春來前後飛

離觴不醉至驛卻寄相送諸公

無限居人送獨醒可憐寂寞到長亭
荆州不遇高陽侶一夜春寒滿下廳

北還登漢陽北原題臨川驛

驅車方向闕迴首一臨川多壘非余耻
無謀終自憐亂松知野寺餘雪記山田
惆悵樵漁事今還又落然善謔驛和劉夢得酌淳于先生

卯文

卷之四十二

九

水上鵠已去亭中鳥又鳴辭因使楚重名爲救齊成荒壠
遽千古羽觴難再傾劉伶今日意異代是同聲

詔追赴都二月至灞亭上

十一年前南渡客四千里外北歸人詔書許逐陽和至驛
路開花處處新

李西川薦琴石

遠師騶忌鼓鳴琴去和南風愜舜心從此他山千古重殷
勤曾是奉徽音

同劉二十八哭呂衡州兼寄江陵李元二侍御

衡岳新摧天柱峰士林顛顛泣相逢祇令文字傳青簡不
使功名上景鍾三畝空留懸磬室九泉猶寄若堂封遙想

荆州人物論幾迴中夜惜元龍

奉酬楊侍郎文因送八叔拾遺戲贈詔追南來諸賓

二首

貞一來時送綵牋一行歸鴈慰驚弦翰林寂寞誰爲主鳴
鳳應須早上天

六言

一生判卻歸休謂著南冠到頭治長雖解縲紲無由得見
東周

商山臨路有孤松往來所以爲明好事者憐之編竹
成椽遂其生植感而賦詩

孤松停翠蓋託根臨廣路不以險自防遂爲明所誤幸逢

柳文

卷之四十二

十

仁恩意重此藩籬護猶有半心存時將承雨露

衡陽與夢得分路贈別

十年顛顛到秦京誰料翻爲嶺外行伏波故道風煙在翁
仲遺墟草樹平直以慵疎招物議休將文字占時名今朝
不用臨河別垂淚千行便濯纓

再上湘江

好在湘江水今朝又上來不知從此去更遣幾年迴

清水驛叢竹天水趙云余手種一十二莖

簷下疎篁十二莖襄陽從事寄幽情祇應更使伶倫見寫
盡雌雄雙鳳鳴

長沙驛前南樓感舊

海鶴一爲別存亡三十秋今來數行淚獨上驛南樓

桂州北望秦驛手開竹迳至釣磯留待徐容州

幽迳爲誰開美人城北來王程儻餘暇一上子陵臺

登柳州城樓寄漳汀封連四州

城上高樓接大荒海天愁思正茫茫驚風亂颭芙蓉水密
雨斜侵薜荔牆嶺樹重遮千里日江流曲似九迴腸共來
百越文身地猶自音書滯一鄉

柳州寄丈人周韶州

越絕孤城千萬峰空齋不語坐高春印文生綠經旬合硯
匣留塵盡日封梅嶺寒煙藏翡翠桂江秋水露鱗鱗丈人
本自忘機事爲想年來憔悴容

登柳州峨山

荒山秋日午獨上意悠悠如何望鄉處西北是融州

得盧衡州書因以詩寄

臨蒸且莫歎炎方為報秋來鴈幾行林邑東迴山似戟牂
牂南下水如湯蒹葭浙瀝含秋霧橘柚玲瓏透夕陽非是
白蘋洲畔客還將遠意問瀟湘

荅劉連州邦字

連壁本難雙分符刺小邦崩雲下灘水劈箭上潯江負弩
啼寒狖余救切鳴枹驚夜狖遙憐郡山好謝守但臨窻

嶺南江行

瘴江南去入雲煙望盡黃茆是海邊山腹雨晴添象跡潭

心日暖長蛟涎射工巧伺遊人影颺母偏驚旅客船從此
憂來非一事豈容華髮待流年

柳州峒氓

郡城南下接通津異服殊音不可親青箬裹鹽歸峒客綠
荷包飯趁虛人鵝毛禦臘縫山罽雞骨占年拜水神愁向
公庭問重譯欲投章甫作文身

酬徐二中丞普寧郡內池館即事見寄

鷓鴣念舊行虛館對芳塘落日明朱檻繁花照羽觴泉歸
滄海近樹入楚山長榮賤俱為累相期在故鄉

酬賈鵬山人郡內新栽松寓興見贈二首

芳朽自為別無心乃元功天天日放花榮耀將安窮青松

遺澗底擢蒔茲庭中積雪表明秀寒光助葱龍幽貞夙有
 慕持以延清風
 無能常閉閣偶以靜見名竒姿來遠山忽似人家生勁色
 不改舊芳心與誰榮喧卑豈所安任物非我情清韻動竿
 瑟諧此風中聲

種柳戲題

柳州柳刺史種柳柳江邊談笑為故事推移城昔年垂陰
 當覆地聳幹會參天好作思人樹慚無惠化傳

柳州二月榕葉落盡偶題

宦情羈思共悽悽春半如秋意轉迷山城過雨百花盡榕
 葉滿庭鷺亂啼

浩初上人見贈絕句欲登僊人山因以酬之

珠樹玲瓏隔翠微病來方外事多違僊山不屬分符客一
 任凌空錫杖飛

雨中贈僊人山賈山人

寒江夜雨聲潺潺曉雲遮盡僊人山遙知元豹在深處下
 笑羈絆泥塗間

別舍弟宗一

零落殘魂倍黯然雙垂別淚越江邊一身去國六千里萬
 死投荒十二年桂嶺瘴來雲似墨洞庭春盡水如天欲知
 此後相思夢長在荆門郢樹煙

奉和周二十二丈酬郴州侍郎衡江夜泊得韶州書

并附當州生黃茶一封率然成篇代意之作

邱山仰德耀天路下征騑夢喜三刀近書嫌五載違凝情
江月落屬思嶺雲飛會入司徒府還邀周椽歸

殷賢戲批書後寄劉連州并示孟崙二童

書成欲寄庾安西紙背應勞手自題聞道近來諸子弟臨
池尋已厭家雞

銅魚使赴都寄親友

行盡關山萬里餘到時間并是荒墟附庸唯有銅魚使批
後無因寄遠書

韓漳州書報徹上人亡因寄二絕

早歲京華聽越吟聞君江海分逾深他時若寫蘭亭會莫

書高僧支道林

頻把瓊書出袖中獨吟遺句立秋風桂江日夜流千里揮
淚何時到甬東

酬家雞之贈

日日臨池弄小鷓還思寫論付官奴柳家新樣元和腳且
盡姜芽斂手徒

重贈二首

聞說將鷓向墨池劉家還有異同詞如今試遣隈牆問已
道世人那得知

世上悠悠不識真姜芽盡是捧心人若道柳家無子弟任
年何事乞西賓

柳文

卷之四十一

五

荅前篇

小兒弄筆不能噴鳥卧切瀼瀼且賞熟聞彼夢熊猶未

兆女中誰是衛夫人

荅後篇

昔日慵工記姓名遠勞辛苦寫西京近來漸有臨池興為
報元常欲抗行

疊前

小學新翻墨沼波羨君瓊樹散枝柯左家弄土唯嬌女空
覺庭前鳥跡多

疊後

事業無成耻藝成南宮起草舊連名勸君火急添功用趁

取當時二妙聲

柳州城西北隅種甘樹

手種黃甘二百株春來新葉徧城隅方同楚客憐皇樹不
學荊州利木奴幾歲閨花聞噴雪何人摘實見垂珠若教
坐待成林日滋味還堪養老夫

聞徹上人亡寄侍郎楊丈

東越高僧還姓湯幾時瓊珮觸鳴璫空花一散不知處誰
采金英與侍郎

段九秀才處見文呂衡州書迹

交侶平生意最親衡陽往事似分身袖中忽見三行字拭
淚相看是故人

柳文

卷之四十二

七

柳州寄京中親故
林邑山聯瘴海秋
牂牁水向郡前流
勞君遠問龍城地
正北三千到錦州

特授連州至衡陽酬贈別

去國十年同赴召
湘江千里又分歧
重臨事異黃丞相
三黜名慚柳士師
歸目併隨迴雁盡
愁腸正遇斷猿時
桂江東過連山下
相望長吟有所思

重別夢得

二十年來萬事同
今朝歧路忽西東
皇恩若許歸田去
晚歲當爲鄰舍翁

答

弱冠同懷長者憂
臨歧迴想盡悠悠
耦耕若便遺身世
黃髮相看萬事休

三贈

信書成自誤經事
漸知非今日臨歧
別何年待汝歸

答

年方伯玉早恨比
四愁多會待休車
騎相隨出尉羅

種木榭花

上苑年年甚物華
飄零今日在天涯
祗因長作龍城守
剩種庭前木榭花

摘櫻桃贈元居士
時在望僊亭南樓
與朱道士同處

海上朱櫻贈所思
樓居況是望僊時
蓬萊羽客如相訪
不

柳文

卷之四十二

七

是偷桃一小兒

酬曹侍御過象縣見寄

破額山前碧玉流
騷人遙駐木蘭舟
春風無限瀟湘憶
欲採蘋花不自由

柳文卷之四十二終

柳文卷之四十三

古今詩

法華寺石門精室三十韻

拘情病幽鬱曠志寄高爽
願言懷名緇東峯旦夕仰
始欣雲雨霽尤悅草木長
道同有愛弟披拂恣心賞
松谿僻切篠切土了入石棧切助諫黃緣上蘿葛綿層薨莓苔侵標榜
密林互對聳絕壁儼雙敞
塹峭出蒙籠墟嶮臨滉漾
稍疑地脉斷悠若天梯往
結構罩羣崖廻環驅萬象
小玁不逾瞬大千若在掌
體空得化元觀有遺細想
喧煩困蟻蠓踟躕疲翹翹
寸進諒何營尋直非所枉
探奇極遙矚窮妙閱清響
理會方在今神開庶殊曩
茲遊苟不嗣浩氣竟誰養

柳文

卷之四十三

道異誠所希名賓匪余仗超攄藉外獎俛默由內朗鑑爾
揖古風終焉乃吾黨潛軀委韁鎖高步謝塵埃蓄志徒爲
勞追蹤將焉做淹留值頽暮眷戀睇遐壤映日鴈聯軒翻
雲波泱泱殊風紛已萃鄉路悠且廣羈木畏漂浮離旌倦
搖蕩昔人歎違志出處今已兩何用期所歸浮圖有遺像
幽蹊不盈尺虛室有函丈微言信可傳申旦稽吾頽

遊朝陽巖遂登西亭二十韻

謫棄殊隱淪登陟非遠郊所懷緩伊鬱詎欲肩夷巢高巖
瞰清江幽窟潛神蛟開曠延陽景廻薄攢林梢西亭構其
巔反字臨呀庠許交切背瞻星辰興下見雲雨交惜非吾鄉
土得以蔭菁茹騶貫去江介世仕尙函峭音役故墅卽灃川

數畝均肥境臺館昔音茸荒邱也塘疏沉坳曾有圭組戀遂
貽山林嘲薄軀信無庸瑣屑劇斗筭囚居固其宜厚羞久
已苞庭除植蓬艾隙音隙牖懸蠓蛸所賴山水客扁舟枉長
梢挹流敵清觴掇野代嘉肴適道有高言取樂非絃匏遺
遙屏幽昧澹薄辭喧呶晨雞不余欺風雨聞嚶嚶音交再期
永日閑提挈移中庖

湘口館瀟湘二水所會

九疑瘠傾奔臨源委縈迴會合屬空曠泓澄停風雷高館
軒霞表危樓凌山隈茲辰始澂音澂霽截雲盡塞開天秋
日正中水碧無塵埃杳杳漁父吟叫叫羈鴻哀境勝豈不
豫慮分固難裁升高欲自舒彌使遠念來歸流駛且廣汎

舟絕松澗

登蒲洲石磯望橫口潭島深迴斜對香零山

隱憂倦永夜凌霧臨江津猿鳴稍已疎登石娛清淪日出
洲渚淨澄明晶蕪垠浮暉翻高禽沉景照文鱗雙江匯西
奔詭怪潛坤珍孤山乃北峙森爽棲靈神洞潭或動容島
嶼疑搖振切之人陶埴茲擇土蒲魚相與鄰信美非所安羈
心屢逡巡糾字結良可解紆鬱亦已伸高歌返故室自
謂非所欣

南澗中題

秋氣集南澗獨游亭午時迴風一蕭瑟林影久參差
始至若有得稍深遂忘疲羈禽響幽谷寒藻舞淪漪去國

魂已游懷人淚空垂孤生易為感失路少所宜索寞竟何
事徘徊祇自知誰為後來者當與此心期

遊石角過小嶺至長烏村

志適不期貴道存豈偷生久忘上封事復笑昇天行鼠逐
宦湘浦搖心劇懸旌始驚陷世議終欲逃天刑歲月殺憂
慄慵疎寡將迎追遊疑所愛且復舒吾情石角恣幽步長
鳥遂遐征磴迴茂樹斷景晏寒川明曠望少行人時聞田
鶴鳴風篁冒水遠霜稻侵山平稍與人事間聲益知身世
輕為農信可樂居寵真虛榮喬木餘故國願言果丹誠四
支反田畝釋志東臯耕

與崔策登西山

卯文

卷之四十三

三

鶴鳴楚山靜露白秋江曉連袂度危橋縈迴出林杪西岑
極遠目毫未皆可了重疊九疑高微茫洞庭小迥窮兩儀
際高出萬象表馳景泛頽波遙風遞寒篠謫居安所習稍
厭從紛擾生同胥靡遺壽等彭鏗天蹇連困顛踣愚蒙怯
幽眇非令親愛疎誰使心神悄偶茲遁山水得以觀魚鳥
吾子幸淹留緩我愁腸繞

構法華寺西亭

竄身楚南極山水窮險艱步登最高寺蕭散任疎頑西垂
下斗絕欲似窺人寰反如在幽谷榛翳不可攀命童恣披
翦葺宇橫斷山割如判清濁飄若昇雲間遠岫攢衆頂澄
江抱清灣夕照臨軒墮棲鳥當我還菡萏溢嘉色音管

音當遺清班神舒屏羈鎖志適忘幽孱葉逐久枯槁迨今始
開顏賞心難久留離念來相關北望間親愛南瞻雜夷蠻
置之勿復道且寄須臾閑

夏夜苦熱登西樓

苦熱中夜起登樓獨褰衣山澤凝暑氣星漢湛光輝火晶
燥露滋野靜停風威探湯汲陰井煬竈開重扉憑欄久傍
徨流汗不可揮莫辯亭毒意仰訢璿與璣諒非姑射子靜
勝安能希

覺衰

久知老會至不謂便見侵今年宜未衰稍已來相尋齒疎
髮就種音奔走力不任咄此可奈何未必傷我心彭聃安

在哉周孔亦已沉古稱壽聖人曾不畱至今但願得美酒
朋友常共斟是時春向暮桃李生繁陰日照天正綠杳杳
歸鴻吟出門呼所親扶杖登西林高歌足自快商頌有遺

音

遊南亭夜還敘志七十韻

夙抱邱壑尙率性恣遊遨中爲吏役牽十祀空惰音惰又音緝
勞外曲徇塵轍私心寄英髦進乏廊廟器退非鄉曲豪天
命斯不易鬼責將安逃屯難果見凌剝喪宜所遭神期固
浩浩衆口徒嗷嗷投跡山水地放情詠離騷再懷曩歲期
容與音預馳輕軻音都高切虛館背山郭前軒面江臯重疊間浦
漱音攸遷迤驅巖菽音牛刀切積翠浮澹灩始疑負靈鼈叢林畱

衝巖石礫迎飛濤曠朗天景靈樵蘇遠相號澄潭湧沉鷗
半壁跳懸猱音切鹿鳴驗食野魚樂知觀濠孤賞誠所悼
暫欣良足褒留連俯櫺檻注我壺中醪朶頤進芟實擢手
持蟹螯炊稻視爨鼎鱠鮮聞操刀野蔬盈傾筐頗雜池沼
茸音毛緬慕鼓柷音曳翁嘯咏哺其糟退想於陵子三咽資李
糟斯道難爲偕沉憂安所韜曲渚怨鴻鵠環州彫蘭草暮
景迴西岑北流逝滔滔徘徊遂昏黑遠火明連艘木落寒
山靜江空秋月高歛袂戒還徒善游矜所操趣淺戢長柂
乘深屏輕篙曠望援深竿哀歌叩鳴舫中川恣超忽漫若
翔且翺淹泊遂所止野風自颺颺澗急驚鱗奔蹊荒飢獸
嗥入門守拘繫悽戚增鬱陶慕士情未忘懷人首徒搔內

加文

卷之四十三

五

顧乃無有德輔甚鴻毛名竊久自欺食浮固云叨問牛悲
 舉鍾說說音驚臨牢永遁刀筆吏寧期簿書曹中興遂羣
 物裂壤分鞅居言囊岷凶既云捕吳虞亦已鑿扞禦盛
 方虎謨明富伊咎披山窮木禾駕海逾蟠桃重來越裳雉
 再返西旅葵左右抗槐棘縱橫羅鴈羔三辟咸肆宥衆生
 均覆壽安得奉皇靈在宥解天叟音歸誠慰松梓陳力開
 蓬蒿卜室有鄆杜名田占漕澇礮谿近餘基阿誠連故濠
 螟蟀願親爨茶堇甘自媻飢食期農耕寒衣俟蠶繅及下患切
 足為溫滿腹寧復饕安將蒯及管音誰慕梁與膏弋
 林鷖雀鷄漁澤從鱗劍觀象嘉素履陳詩謝于旄方託麋
 鹿羣敢同騏驎槽處賤無溷濁固窮匪淫怕踉蹌辭束縛

悅懌換煎熬登年徒負版與役趨伐馨音目眩絕渾渾耳
 喧息嘈嘈茲焉畢餘命富貴非吾曹長沙哀紉纏漢陰嗤
 桔槔苟伸擊壤情機事息秋毫海霧多氛鬱越風饒腥臊
 寧唯迫魑魅所懼齊君蔗知瑩懷褚中范叔戀綈袍伊人
 不可期慷慨徒切切音音蒿

韋道安

道安本儒士頗擅弓劍名二十遊太行暮聞號哭聲疾驅
 前致問有叟垂華纓言我故刺史失職還西京偶為羣盜
 得毫縷無餘贏貨財足非恡二女皆娉婷蒼黃見驅逐誰
 識死與生便當此殞命休復事晨征一聞激高義皆裂肝
 膽橫挂弓問所往趨捷超崢嶸見盜寒礪陰羅列方忿爭

一矢斃曾帥餘黨號且驚麾令遞束縛纏索相拄撐彼姝
久視魄刃下俟誅刑卻立不親投諭以從父行拮收白擔
肩轉道趨前程夜發敲石火山林如晝明父子更抱持涕
血紛交零頓首願歸貨納女稱舅甥道安奮衣去義重利
固輕師婚古所病合姓非用兵竭來事儒術十載所能逞
必貞切慷慨張徐州朱邸揚前旌投軀獲所願前馬出王城
轅門立奇士淮水秋風生君侯既卽世麾下相欵傾立孤
抗王命鍾鼓四野鳴橫潰非所壅逆節非所嬰舉頭自引
刃顧義誰顧形烈士不忘死所死在忠貞咄嗟徇權子翁
習猶趨榮我歌非悼死所悼時世情

哭連州凌員外司馬

廢逐人所棄遂爲鬼神欺才難不其然卒與大患期凌人
古受氏吳世夸雄姿寂寞富春水英氣方在斯六學誠一
貫精義窮發揮著書逾十年幽頤靡不推天庭揆高文寓
字若波馳記室征西府宏謀耀其奇輜軒下東越列郡蘇
疲羸宛宛凌江羽來棲翰林枝孝文畱弓劍中外方危疑
抗聲促遺詔定命由陳辭徒隸肅曹官征賦參有司出守
烏江許老遷湟水湄高堂傾故國塋際限囚羈仲叔繼幽
淪狂叫唯童兒一門既無主焉用徒生爲舉聲但呼天孰
知神者誰泣盡日無見腎傷足不持溘渴切死委炎荒臧
獲守靈帷平生負國譴骸骨非敢私蓋棺未塞責孤旒凝
寒颼暗念昔始相遇腑腸爲君知進身齊選擇失路同瑕

柳文

卷之四十三

七

疵本期濟仁義今爲衆所嗤滅名竟不試世義安可支恬
死百憂盡苟生萬慮滋顧予九逝魂與子各何之我歌誠
自慟非獨爲君悲

旦攜謝山人至愚池

新沐換輕幘曉池風霧清自諧塵外意況與幽人行霞散
衆山迴天高數鴈鳴機心付當路聊適羲皇情

獨覺

覺來窓牖空寥落雨聲曉良遊怨遲暮末事驚紛擾爲問
經世心古人誰盡了

首春逢耕者

南楚春候早餘寒已滋榮土膏釋原野百蟄競所營綴景

未及郊穡人先耦耕園林幽鳥嘒渚澤新泉清農事誠素
務羈囚阻平生故池想蕪沒遺畝當榛荆慕隱既有繫圖
功遂無成聊從田父言欵曲陳此情眷然撫耒耜迴首煙
雲橫

溪居

久爲簪組累幸此南夷謫閑依農圃鄰偶似山林客曉耕
翻露草夜榜孔孟切響溪石來往不逢人長歌楚天碧

夏初雨後尋愚溪

悠悠雨初霽獨繞清溪曲引杖試荒泉解帶圍新竹沉吟
亦何事寂寞固所欲幸此息營營嘯歌靜炎燠

入黃溪聞猿

溪路千里曲哀猿何處鳴孤臣淚已盡虛作斷腸聲

韋使君黃溪祈雨見召從至祠下口號

驕陽愆歲事良牧念苗畝列騎低殘月鳴笳度碧虛稍窮
樵客路遙駐野人居谷口寒流淨叢祠古木疎焚香秋霧
溼奠玉曉光初盼蠻巫言報精誠禮物餘惠風仍偃草靈
雨會隨車俟罪非真吏翻慚奉簡書

郊居歲暮

屏居負山郭歲暮驚離索野迥樵唱來廷空燒燼落世紛
因事遠心賞隨年薄默默諒何為徒成今與昨

秋曉行南谷經荒村

杪秋霜露重晨起行幽谷黃葉覆溪橋荒村唯古木寒花

疎寂歷幽泉微斷續機心久已忘何事驚麋鹿

雨後曉行獨至愚溪北池

宿雲散洲渚曉日明村塢高樹臨清池風驚夜來雨予心
適無事偶此成賓主

中夜起望西園值月上

覺聞繁露墜開戶臨西園寒月上東嶺冷冷疎竹根石泉
遠逾響山鳥時一喧倚楹遂至旦寂寞將何言

零陵春望

平野春草綠晚鶯啼遠林日晴瀟湘渚雲斷响嘯岑仙駕
不可望世途非所任凝情空景慕萬里蒼梧陰

從崔中丞過盧少府郊舍

寓居湘岸四無隣世網難嬰每自珍時吏切藥閑庭延國
老開罇虛室值賢人泉廻淺石依高柳逕轉垂藤間綠筠
聞道偏爲五禽戲出門鷗鳥更相親

夏晝偶作

南州溽暑醉如酒隱几熟眠開北牖日午獨覺無餘聲山
童隔竹敲茶臼

雨晴至江渡

江雨初晴思遠步日西獨向愚溪渡渡頭水落村逕成
潦亂浮槎在高樹

江雪

千山鳥飛絕萬徑人蹤滅孤舟蓑笠翁獨釣寒江雪

冉溪

少時陳力希公侯許國不復爲身謀風波一跌逝萬里壯
心瓦解空縲囚縲囚終老無餘事願卜湘西冉溪地卻學
壽張樊敬侯種漆南園待成器

法華寺西亭夜飲

祇樹夕陽亭共傾三昧酒霧暗水連階月明花覆牖莫厭
罇前醉相看未白首

戲題石門長老東軒

石門長老身如夢旃檀成林手所種坐來念念非昔人萬
徧蓮花爲誰用如今七十自忘機貪愛都忘筋力微莫向
東軒春野望花開日出雉皆飛

茆簷下始栽竹

瘴茆葺為宇溽暑怕侵肌適有重飈疾蒸鬱寧所宜東鄰
幸導我樹竹邀涼颺欣然愜吾志荷鋪西巖垂楚壤多怪
石墾鑿力已疲江風忽云暮與曳還相追蕭瑟過極浦旖
音旖切倚附幽墀貞根期永固貽爾寒泉滋夜窻遂不掩
羽扇寧復持清冷集濃露枕簟淒已知網蟲依密葉曉禽
棲迥枝豈伊紛囂間重以心慮怡嘉爾亭亭質自遠棄幽
期不見野蔓草芬蔚有華姿諒無凌寒色豈與青山辭

種仙靈毗

窮陋闕自養厲氣劇囂煩隆冬乏霜霰日夕南風温杖藜
下庭際曳踵不及門門有野田吏慰我颺零魂及言有靈

藥近在湘西原服之不盈旬蒲切躡音薛皆騰騫笑抃前
即吏為我擢其根蔚蔚遂充庭英翹忽已繁晨起自採曝
杵臼通夜喧靈和理內藏攻疾貴自源擁覆逃積霧伸舒
委餘暄奇功苟可徵寧復資蘭蓀我聞畸人術一氣中夜
存能令深深息呼吸還歸根音根疎放固難效且以藥餌論
痿者不忘起窮者寧復言神哉輔吾足幸及兒女奔

種木

守閑事服餌採木東山阿東山幽且阻疲茆乃切煩經過
戒徒斲靈根封植闕天和違爾澗底石徹我庭中莎上膏
滋元液松露墜繁柯南東自成畝繚繞紛相羅晨步佳色
媚夜眠幽氣多離憂苟可怡孰能知其他爨竹茹芳葉寧

慮瘵側界切與瘞留連樹蕙辭婉婉采薇歌悟拙甘自足激清愧同波單音善約且理內高門復如何

種白藁人羊切荷

皿蟲化為癘夷俗多所神銜猜每腊毒謀富不為仁蔬菓自遠至盃酒盈肆陳言甘中必苦何用知其真羣潔事外飾尤病中州人錢刀恐賈害飢至益逡巡窺伏常戰慄懷故逾悲辛庶民有嘉草攻禮事久泯炎帝垂靈編言此殊足珍崎嶇乃有得託以全余身紛敷碧樹陰眄睐心所親

新植海石榴

弱植不盈尺遠意駐蓬瀛月寒空塔曙幽夢綵雲生蠶壤擢珠樹莓苔插瓊英芳根闕顏色徂歲為誰榮

戲題塔前芍藥

凡卉與時謝妍華麗茲晨欹紅醉濃露窈窕留餘春孤賞白日暮暄風動搖頻夜窗藹芳氣幽臥知相親願致溱洧贈悠悠南國人

始見白髮題所植海石榴樹

幾年封植愛芳叢韶艷朱顏竟不同從此休論上春事看成古木對衰翁

植靈壽木

白華鑒寒水怡我適野情前趨問長老重復欣嘉名蹇連易衰朽方剛謝經營敢期齒杖賜聊且移孤莖叢萼中競秀分房外舒英柔條乍反植勁節常對生循翫足忘疲稍

覺步武輕安能事剪伐持用資徒行

自衡陽移桂十餘本植零陵所住精舍

謫官去南裔清湘繞靈岳晨登兼葭岸霜景霽紛濁離披
得幽桂芳本欣盈握火耕困煙燼薪採久摧剝道旁且不
願岑嶺况悠邈傾筐壅故壤棲息期鸞鷲什角路遠清涼
宮一雨悟無學南人始珍重微我誰先覺芳意不可傳丹
心徒自渥

湘岸移木芙蓉植龍興精舍

有芙不自蔽安能守孤根盈盈湘西岸秋至風露繁艷影
別寒水穠芳委前軒芰荷諒難雜反此生高原

早梅

早梅發高樹迥映楚天碧朔吹飄夜香繁霜滋曉白欲為
萬里贈杳杳山水隔寒英坐銷落何用慰遠客

南中榮橘柚

橘柚懷貞質受命此炎方密林耀朱綠晚歲有餘芳殊風
恨清漢飛雪滯故鄉攀條何所歎北望熊與湘

紅蕉

晚英值窮節綠潤含朱光以滋正陽色窈窕凌清霜遠物
世所重旅人心所傷迴暉眺林際戚戚無遺芳

巽公院五詠

淨土堂

結習自無始淪溺窮苦源流形及茲世始悟三空門華堂

柳文

卷之四十三

七

柳文
開淨域圖像煥且繁清泠焚衆香微妙歌法言稽首媿導
師超遙謝塵昏

曲講堂

寂滅本非斷文字安可離曲堂何爲設高士方在斯聖默
寄言宣分別乃無知趣中卽空假名相與誰期願言絕聞
視忘意聊思惟

禪室

發地結菁茹團團抱虛白山花落幽戶中有忘機客涉有
本非取照空不待析萬賴俱緣生窅然喧中寂心境本洞
如鳥飛無遺跡

芙蓉亭

新亭俯朱檻嘉木開芙蓉清香晨風遠溽彩寒露濃蕭洒
出人世低昂多異容嘗聞色空喻造物誰爲工流連秋月
晏迢遞來山鍾

苦竹橋

危橋屬幽逕繚繞穿疎林逆籜分苦節輕筠抱虚心俯瞰
涓涓流仰聆蕭蕭吟差池下煙日嘲啞鳴山禽諒無要津
用棲息有餘音

梅雨

梅實迎時雨蒼茫值晚春愁深楚猿夜夢斷越雞晨海霧
連南極江雲暗北津素衣今盡化非爲帝京塵

零陵早春

柳文

卷之四十三

十四

問春從此去幾日到秦原憑寄還鄉夢殷勤入故園

田家三首

蓐食徇所務驅牛向東阡鷄鳴村巷白夜色歸暮田札札
耒耨聲飛飛來烏鳶竭茲筋力事持用窮歲年盡輸助徭
役聊就空自眠子孫日以長世世還復然

離落隔煙火農談四鄰夕庭際秋蟲鳴疎麻方寂歷蠶絲
盡輸稅機杼空倚壁里宵夜經過雞黍事筵席各言官長
峻文字多督責東鄉後租期車載陷泥澤公門少推怨鞭
扑恣狼籍努力慎經營肌膚真可惜迎新在此歲唯恐踵
前跡

古道饒蒺藜縈迴古城曲蓼花被隄岸陂水寒更淥是時

收穫竟落日多樵牧風高榆柳疎霜重梨棗熟行人迷去
住野鳥競棲宿田翁笑相念昏黑慎原陸今年幸少豐無
馱餽與粥

行路難三首

君不見夸父逐日窺虞淵跳跟北海超崑崙披霄決漢出
沆漭瞥裂左右遺星辰須臾力盡道渴死狐鼠蜂蟻爭噬
吞北方踞人長九寸開口抵掌更笑喧啾啾飲食滴與粒
生死亦足終天年睢盱大志小成遂坐使兒女相悲憐
虞衡屏斧羅千山工命採斫杙音弋與椽深林土斲十取一
百牛連鞅摧雙轅萬圍千尋妨道路東西蹶倒山火焚遺
餘毫末不見保躡蹠磻壑何當存羣材未成質已天突兀

嶠豁空岳巒栢梁天災武庫火匠石狼顧相愁冤君不見

南山棟梁益稀少愛才養育誰復論

飛雪斷道冰成梁侯家熾炭雕玉房蟠龍吐耀虎喙張熊

蹲豹躑爭低昂攢巒叢嶠五各切射朱光丹霞翠霧飄奇香

美人回向迴鳴瑞雪山冰谷晞太陽星躔奔走不得止奄

忽雙燕棲虹梁風臺露樹生光飾死灰棄置參與商盛時

一去貴反賤桃笙葵扇安可常

聞籍田有感

天田不日降皇輿留滯長沙歲又除宣室無由問釐音事

周南何處託成書

跋烏詞

城上日出羣鳥飛鷓鴣爭赴朝陽枝刷毛伸翼和且樂爾
獨落魄今何為無乃慕高近白日三足妬爾令爾疾無乃
飢啼走路旁貪鮮攫肉人所傷翹肖獨足下叢薄口銜低
枝始能躍還顧泥塗備蝼蟻仰看棟梁防燕雀左右六翮
利如刀踊身失勢不得高支離無趾猶自免努力低飛逃

後患

龍鷹詞

凄風淅瀝飛嚴霜蒼鷹上擊翻曙光雲披霧裂虹蜺斷霹

靂掣電捎平岡霍號切然勁翮剪荆棘下攫狐兔騰蒼茫

瓜毛吻血百鳥逝獨立四顧時激昂炎風溽暑忽然至羽

翼脫落自摧藏草中狸鼠足為患一夕十顧驚且傷但願

柳文

卷之四十三

六

清商復爲假拔去萬累雲間翔

放鷓鴣詞

楚越有鳥甘且腴嘲嘲自名爲鷓鴣
徇媒得食不復慮機
械潛發罹且嗟學
羽毛摧折觸籠禦
煙火煽赫驚庖厨
鼎前芍藥調五味
膳夫攘腕左右視
齊王不忍敲觥作
簡子亦放邯鄲鳩
二子得意猶念此
況我萬里爲孤囚
破籠展翅當遠去
同類相呼莫相顧

龜背戲

長安新技出宮掖
喧喧初徧王侯宅
玉盤滴瀝黃金錢
皎如文龜麗秋天
八方定位開神封
六甲離離齊上下
投變轉動元機卑
星流霞破相參差
四分五裂勢未已
出無入

有誰能知乍驚散漫無處所
須臾羅列已如故徒言萬事
有盈虛終朝一擲知勝負
脩門象棊不復貴魏宮粧奩世
所棄豈如瑞質耀奇文
願持千歲壽吾君廟堂山筭非余
慕錢刀兒女徒紛紛

聞黃鸝

倦聞子規朝暮聲不意忽有黃鸝鳴
一聲夢斷楚江曲滿
眼故園春意生日極千里無山河
麥芒際天搖青波王畿
優奉少賦役務閑酒熟饒經過
此時晴煙最深處舍南巷
北遙栢語翻日迴度昆明飛
凌風邪看細柳翥我今誤落
千萬山身同傖人不思還鄉禽
何事亦來此令我心憶桑
梓間閉聲迴翅歸務速西林紫
樾行當熟

渾鴻臚宅聞歌效白紵

翠帷雙卷出傾城
龍劔破匣霜月明
朱唇掩抑悄無聲
金簧玉磬宮中生
下沉秋水激太清
天高地迥凝巨晶
羽觴蕩漾何事傾

楊白花

楊白花風吹度江水
坐令宮樹無顏色
搖蕩春光千萬里
茫茫曉日下長秋
哀歌未斷城鷓起

漁翁

漁翁夜傍西巖宿
曉汲清湘然楚竹
煙銷日出不見人
欸乃一聲山水渌
迴看天際下中流
巖上無心雲相逐

飲酒

今日少愉樂起坐開清鐔
舉觴酌音未先酒遺我驅憂煩
須臾心自殊頓覺天地暄
連山變幽晦淥水函晏温
藹藹南郭門樹木一何繁
清陰可自庇竟夕聞佳言
盡醉無復辭偃臥有芳蓀
彼哉晉楚富此道未必存

讀書

幽沉謝世事俛默窺唐虞
上下觀古今起伏千萬途
遇欣或自笑感戚亦以吁
縹帙各舒散前後互相逾
瘴癘擾靈府日與往昔殊
臨文乍了了徹卷兀若無
竟夕誰與言但與竹素俱
倦極更倒臥熟寐乃一蘇
欠伸展支體吟咏心自愉
得意適其適非願為世儒
道盡即閉口蕭散捐囚拘
巧者為我拙智者為我愚
書史足自悅安用勤與劬
貴爾

六尺軀勿爲名所驅

感遇二首

西陸動涼氣驚鳥號北林
栖息豈殊性集枯安可任
鴻鵠去不返勾吳阻且深
徒嗟日沉涵九鼓驚奇音
東海久搖蕩南風已駸駸
坐使青天暮小星愁太陰
衆情嗜姦利居貨損千金
危根一以振齊斧來相尋
攬衣中夜起感物涕盈襟
微霜眾所踐誰念歲寒心
旭日照寒野鷲斯起蒿萊
啁啾有餘樂飛舞西陵隈
迴風旦夕至零葉委陳藁
所棲不足恃鷹隼縱橫來

詠史

燕有黃金臺遠致望諸君
嗷嗷事強怨三歲有奇勳
悠哉

關壘理東海漫浮雲寧知世情異嘉穀坐燻焚致令委金
石誰顧蠹蠕時亮羣風波歛許勿潛構遺恨意紛紜豈不
善圖後交私非所聞爲忠不內顧晏子亦垂文

三良

束帶值明后顧盼流輝光一心在陳力鼎列夸四方歛歛
効忠信恩義皎如霜生時亮同體死沒寧分張壯軀閉幽
隧猛志填黃腸殉死禮所非况乃用其良霸墓弊不振晉
楚更張皇疾病命固亂魏氏言有章從邪陷厥父吾欲討
彼狂

詠荆軻

燕秦不兩立太子已爲虞千金奉短計七首荆卿趨窮年

卯文

卷之四十三

九

徇所欲兵勢且見屠微言激幽憤怒曰辭燕都朔風動易
水揮爵前長驅函首致宿怨獻田開版圖炯然曜電光掌
握罔正未造端何其銳臨事竟趨起長虹吐白日倉卒反
受誅按劍赫憑怒風雷助號呼慈父斷子首狂走無容軀
夷城覆七族臺觀皆焚汚始期憂患弭卒動災禍樞秦皇
本詐力事與桓公殊奈何効曹子實謂勇且愚世傳故多
謬太史徵無且

掩役夫張進骸

生死悠悠爾一氣聚散之偶來紛喜怒哀忽已復辭爲役
孰賤辱爲貴非神奇一朝續息定枯朽無妍媸生平勤息
櫪判秣不告疲旣死給轄櫛墓之東山基奈何值崩滿蕩

析臨路垂髡然暴百骸散亂不復支從者幸告余睠之涓
然悲貓虎獲迎祭犬馬有蓋帷佇立唁爾魂豈復識此爲
畚音本鋪載埋瘞溝瀆護其危我心得所安不謂爾有知掩
骼著春令茲焉適其時及物非吾輩聊且顧爾私

省試觀慶雲圖

設色初成象卿雲示國都九天開秘祉百辟贊嘉謨抱日
依龍袞非煙近御爐高標連汗漫向望接虛無裂素榮光
發舒華瑞色敷恒將配堯德垂慶代河圖

春懷故園

九扈鳴已晚楚鄉農事春悠悠故池水空待灌園人

